

四庫全書

經部

欽定四庫全書

經部

五禮通考卷一百二十八

詳校官太常寺少卿_臣陳桂森

給事中_臣溫常綬覆勘

總校官進士_臣繆琪

校對官中書_臣孫球

謄錄監生_臣張永沂

欽定四庫全書

五禮通考卷一百二十八

刑部尚書秦蕙田撰

嘉禮一

即位致元

蕙田案后王踐阼臨民體元居正典莫鉅焉
唐虞禪讓受終告廟類上帝秩百神巍乎尚
已商書太甲元祀祗見厥祖周成王顧命康

王即位陳設宿衛麻冕黼裳冊告殯宮受同
瑁臨朝見諸侯既退釋冕反喪服儀節炳然
蓋損益二代而為之吉凶之際禮以義起可
為軌則矣漢高帝即位汜水之陽典禮未具
光武以後創業之主往往柴燎告天即位於
郊壇而繼體守文自漢文帝即阼謁高廟後
嗣因之受命几筵之前遣告天地社稷亦猶
行古之道也至如唐高祖睿宗元宗順宗宋

高宗孝宗寧宗以父子內禪則禮之變矣元
祀之稱始見商書春秋嗣君即位必書元年
公羊傳元者何君之始年也杜氏預謂凡人
君欲其體元居正故不言一年一月胡氏大
紀亦謂元者義之所存後世以元為數而不
知其義如漢武之初曰建元元年既曰元年
則元已建矣又曰建元豈不贅乎後又因事
別建失其義也三說近之第稱元不知何昉

爾其稱後元年起於漢文而紀年之號肇於
漢武本皆惑於方士之言後廼一君而數改
其元一年而再更厥號甚者正偽紛雜不勝
其紀詎不舛與即位受朝儀詳見元志明遂
有登極儀用綜經史述其源流以為嘉禮之
冠紀元則一以正統為綱而侯國及僭偽並
附焉

通鑑前編甲辰陶唐氏帝堯元載乃命羲和

在位一百載

邵子皇極經世歷係命羲和于元年又東漢志晉志
皆曰唐堯即位羲和立象儀則是命羲和帝堯即位
之初政也

書舜典正月上日受終于文祖

傳上日朔日也

蔡傳堯于是終帝位之事而舜受之也

月正元日舜格於文祖

傳月正正月元日上日也舜服堯喪三年畢將即政故復至文

祖廟告疏舜至于文祖之廟告已將即位正位為天子也前以攝位告今以即位告也

蔡傳春秋國君皆以遭喪之明年正月即位於廟而改元孔氏云喪畢之明年不知何所據也

鄒氏季友曰案孟子言堯崩三年喪畢舜避堯之子
天下歸之而後踐天子位孔傳本此蔡傳豈偶未之
與思

通鑑前編丙戌有虞氏帝舜元載

紀元表丙戌虞帝舜元載正月元日即天子位

在位五十年

右唐虞

書大禹謨正月朔旦受命於神宗率百官若帝之初

蔡傳禹受攝帝之命於神宗之廟

通鑑前編丙子夏后氏大禹元歲春正月即位會諸侯

於塗山

紀元表丙子夏帝禹元載正月即天子位改載曰歲

通鑑前編甲申后啟元歲

在位九歲
子太康立

金氏履祥曰三代以來嗣君皆逾年而稱元與堯舜
禹之間不同故胡氏大紀於甲申書元載今從之或
曰是時三年之喪未畢益未有箕山之避啟未膺朝
覲訟獄之歸宜未王也何以稱為元年是不然古者
稱元無大意義特以其君天下之始計年耳況益之

相禹異於禹之相舜禹之相舜異於舜之攝堯孟子
之俱以薦言者推堯舜禹之心也其俱以避言者推
禹益之心也事跡固自不同故胡氏于明年書益歸
政就國而不言避是為得之

紀元表癸巳太康元歲尸位

在位二十九
歲弟仲康立

壬戌仲康元

歲肇位四海

在位十三歲
子相踐位

乙亥后相元歲

羿篡位寒浞
又殺羿代之

二十八歲浞
弑王后緡歸有仍

癸卯少康元歲后緡生少康於有

仍

四十歲始即天子位共
六十一歲子杼踐位

金氏履祥曰自此以後皇極經世缺四十年不書而
皇王大紀即以少康生之年為元載蓋少康既生則
夏統不絕也

宗元案大紀即以少康生之年為元載而皇
極經世亦缺四十年不書極是後來如王莽
十八年不書亦與此同義蓋光武旋即中興
則漢統亦未絕也

甲辰后杼元歲

在位十七歲

辛酉后槐元歲

在位二十六歲子芒踐位

丁亥后芒元歲

在位十八歲
子泄踐位

乙巳后泄元歲

在位十六

歲子不
降踐位

辛酉后不降元歲

在位五十九
歲弟局立

庚申后局

元歲

在位二十一
歲子厘踐位

辛巳后厘元歲

在位二十一歲不
降之子孔甲立

壬寅后孔甲元歲

在位三十一
歲子皐立

癸酉后皐元歲

在位

十一歲
子發立

甲申帝發元歲

在位十九歲子
癸踐位是為桀

壬寅后癸

元歲

戊寅商侯履元歲五十
三歲湯放桀於南巢

右夏

通鑑前編乙未商王成湯十有八祀

在位十三祀太子
太丁早卒弟外丙

立

胡氏宏大紀論曰古史不載湯改元獨劉道原載之
非其實也夫人君即位之一年謂之元年一定而不
可易也成湯之元立于桀之三十五載矣其所以克
享天心受天明命以有九有之師爰革夏正本是而
為之者也又可改乎元者義之所存非若一二之為
數也後世以元為數而不知其義如漢武之初年曰
建元元年既曰元年則元已建矣又曰建元豈不贅

乎後又因事別建年號失其義也甚矣使人君知此義而體之則元原於一豈至如是之紛紛乎

觀承案胡氏以湯之元立於后癸之三十五祀考之紀元表實三十七祀也然湯以侯服之十八祀統紀於割正之十三載而不改元議者曰所以克享天心者實基於此則周以虞芮質成為文王受命之始不其然乎武王繼西伯肆伐以十三年即天子位而不改元

亦一義也竊謂元者紀一君之終始崛起之
聖寢昌有自而維新之命即新于厭德之年
迨奄有四海告成功而已德業之不揚何藉
于改元以為重而仄微之積累又何可因改
步而頓泯耶則創業必昭乎勝國之紀而垂
統乃肇興朝之盛代終之義固如此或者以
統系之說為疑不知禪代推遷各有本末自
堯甲辰以來興衰治亂修短之數紀於歷次

者可逆觀也孰能從而矯誣之則固無害于
統系也

史記殷本紀帝外丙即位

紀元表戊申帝外丙元祀

在位二祀弟仲壬立書序及通鑑前編俱作湯崩時外

丙二歲仲壬四歲皆以幼故不立太甲差長立之今從史記紀元

蕙田案史記明據自不宜廢大紀以立嫡之
義斷其不立外丙恐未確今從集成

史記殷本紀帝仲壬即位

紀元表庚戌帝仲壬元祀

在位四祀太丁之子太甲立

書伊訓惟元祀十有二月乙丑伊尹祠于先王奉嗣王

祇見厥祖侯甸羣后咸在百官總己以聽冢宰

傳此湯崩踰月

太甲即位莫殯而告居位主喪祭湯也奉嗣王祇見厥祖謂見湯也故傳解祠先王為

疏伊尹祠于先王謂

莫殯而告見厥祖為居位主喪是言祠是莫也祠喪于殯斂祭皆名為莫虞祔卒哭始名為祭知祠非宗廟者元祀即是初喪之時未得祠廟且湯之父祖不追為王所言先王惟有湯耳故知祠實是莫非祠宗廟也

蔡傳夏曰歲商曰祀周曰年一也元祀者太甲即位之元年十二月者商以建丑為正故以十二月為正

也祠者告祭於廟也古者王宅憂祠祭則冢宰攝而告廟太甲服仲壬之喪伊尹祠于先王奉太甲以即位改元之事祇見厥祖則攝而告廟也或曰孔氏言湯崩踰月太甲即位則十二月者湯崩之年建子之月也豈改正朔而不改月數乎曰此孔氏惑于序書之文也太甲繼仲壬之後服仲壬之喪而孔氏曰湯崩莫殯而告固已誤矣又曰孔氏意湯崩踰月太甲即位莫殯而告是以崩年改元矣蘇氏曰崩年改

元亂世事也不容伊尹有之不可以不辨又案孔氏
以為湯崩吳氏曰殯有朝夕之奠何為而致祠主喪
者不離於殯側何待於祇見蓋太甲之為嗣王嗣仲
壬而王也太甲太丁之子仲壬其叔父也嗣叔父而
王而為之服三年之喪為之後者為之子也太甲既
即位于仲壬之柩前方居憂于仲壬之殯側伊尹乃
至商之祖廟徧祠商之先王而以立太甲告之不言
太甲祠而言伊尹喪三年不祭也奉太甲徧見商之

先王而獨言祇見厥祖者雖徧見先王而尤致意於湯也湯既已祔於廟則是此書初不廢外丙仲壬之事但此書本為伊尹稱湯以訓太甲故不及外丙仲壬之事耳

蘇氏軾曰太史公案世本湯之後二帝七年而後至太甲其迹明甚不可不信而孔安國獨據經臆度以為成湯沒而太甲立且以是歲改元學者因謂太史公為妄初無二帝而太史公妄增之豈有此理哉安

國謂湯崩之歲而太甲改元不待明年者亦因經以臆也

朱子語類伊尹祠于先王若有服不可入廟必有外丙二年仲壬四年問書序成湯既沒太甲元年玩其語意似成湯沒而太甲立或者乃曰孟子云湯崩太丁未立外丙二年仲壬四年湯沒六年而太甲立太甲服仲壬之喪伊川謂太丁未立而死外丙方二歲仲壬方四歲乃立太丁之子太甲而或者又謂商

人以甲乙為兄弟之名則丙當為兄而壬當為弟豈有兄二歲而弟四歲乎案皇極經世圖紀則太甲實繼湯而立無疑曰書序恐只是經師所作然亦無證可考但決非夫子之言耳成湯太甲年次尤不可考問康節之說亦不可據耶曰也怎生便信得他又問如此則堯即位于甲辰亦未可據也曰此却據諸歷書如此說恐或有之然亦未可必問若如此則二年四年亦可推矣曰却為中間年代不可紀自共和

後方可紀則湯時自無由而推

胡氏一桂曰湯後有外丙仲壬二王蔡氏力主之邵
子經世書又合孔註朱子孟子集註亦云二說未知
孰是闕之可也

王氏樵曰觀先王厥祖上下異文則先王是湯之先
廟厥祖是湯可知且于先王曰祠而於厥祖為祗見
祠是祭祗見非祭也祠先王曰伊尹而見厥祖曰奉
嗣王是廟中之祭攝于伊尹殞前之告非伊尹所攝

也 又曰蔡氏云先王湯也又云徧祀商之先王蓋以外丙仲壬為先王而不知湯以上尚當有先王也如其言先祠丙壬後見烈祖無乃非序乎若以先王中有湯則下祇見為複矣既以所居為仲壬之喪則仲壬亦未在應祠之內

蕙田案太甲元祀之說史記孟子皆有外丙仲壬之六年朱子蔡氏從之書序及註疏皆以為太甲繼湯而立程子邵子胡五峰大紀

金仁山通鑑前編從之今據史記孟子而並載諸儒之說學者兩存而從胡雙峰闕疑之

意可也

紀元表甲寅帝太甲元祀

在位二十七年祀廟號太宗于沃丁立

通鑑前編辛巳帝沃丁元祀

在位二十九年祀弟太庚立

庚戌帝太

庚元祀

在位二十五年祀于小甲立

金氏履祥曰兄死弟及自太庚始謂為殷禮非也伊尹曰七世之廟可以觀德父子相傳為一世若兄弟則昭穆紊矣沃丁及見伊尹之典刑死而傳弟當必有故而典籍無可考後世沿襲諸弟子或爭立遂啟

亂源是以聖人立法不立異以為高

蕙田案金氏之論正矣然以七世之廟為伊尹之典刑兄弟則昭穆紊非也若然則太甲繼湯昭穆先紊矣不知兄弟繼及亦同一世不害於七世之廟也夫父死子繼者至正之理兄終弟及者遇變之事天子繼統關係甚鉅未可以一例執也前後皆有之矣金氏不信外丙仲壬而取胡氏之論其即此意也夫

紀元表乙亥帝小甲元祀

在位十有七
祀弟雍已立

壬辰帝雍己

元祀

在位十有二
祀弟太戊立

甲辰中宗帝太戊元祀

在位七十
五祀子仲

丁立

己未帝仲丁元祀

在位十有三
祀弟外壬立

壬申帝外壬元

祀

在位十五祀
弟河亶甲立

丁亥帝河亶甲元祀

在位九祀
子祖乙立

丙

申帝祖乙元祀

在位十九祀
子祖辛立

乙卯帝祖辛元祀

在位十六

祀弟沃
甲立

辛未帝沃甲元祀

在位二十五祀
辛之子祖丁立

丙申

帝祖丁元祀

在位三十二祀
沃甲之子南庚立

戊辰帝南庚元祀

在位

二十五祀
祖丁之子陽甲立

癸巳帝陽甲元祀

在位七祀
弟盤庚立

庚子

帝盤庚元祀

改國號曰殷在位二十八祀弟小辛立

戊辰帝小辛元祀

在位二十一祀弟小乙立

己丑帝小乙元祀

在位二十八祀子武丁立

丁巳

殷高宗武丁元祀

在位五十九祀子祖庚立

丙辰帝祖庚元祀

在位

七祀弟祖甲立

癸亥帝祖甲元祀

在位三十三祀子康辛立

丙申帝廩

辛元祀

在位六祀弟庚丁立

壬寅帝庚丁元祀

在位二十一祀子武乙立

癸亥帝武乙元祀

在位四祀子太丁立

丁卯帝太丁元祀

在位三祀

子帝乙立

庚午帝乙元祀

在位三十七祀子辛立是為紂

丁未帝辛元

祀十三祀命周侯昌為西伯二十一祀丁卯周侯發元年己卯三十三祀周侯發克商滅紂

右商

通鑑前編己卯周武王十有三年一月癸巳于征伐商
金氏履祥曰序稱十一年書稱十三年程子謂必有
一悞而伏生大傳史記太初歷邵子皇極經世皆係
之十一年大衍歷謂伐商之歲在武王十年則一與
三字皆悞朱子謂泰誓稱十有三年洪範又云惟十
有三祀則十三年為是廣漢張氏從之而經世紀年
乃未及改每以為憾今從朱子

紀元表已卯周武王十三年二月即天子位改祀曰年

是年焦祝薊陳杞齊魯燕管蔡俱始封 在位十九年子成王誦立 丙戌成王元年 是

魯公伯禽元 三年宋微子啟衛康叔封元 八年蔡仲胡元 九年唐侯叔虞元 在位三十七年子康王

立釗

書顧命

呂氏祖謙曰天子天下之共主也成王力疾臨廟朝而命之畢召受遺率諸侯而輔之所以公天位嚴大寶世稱漢武帝拔霍光于宿衛托以幼孤為知人不
知所謂大臣非可寄安危屬存亡者不在此選如周
召內為師保外統諸侯君存則輔政
君沒則托孤所謂受遺蓋其職也

林氏之奇曰後世人主將托後嗣獨引親信入受遺詔謂之顧命之臣唐漢末雖有嫡嗣不能屬于大臣多立自戚宦之手倉卒之際廢立紛然顧命一書誠萬世之法

惟四月哉生魄王不懌甲子王乃洮頽水相被冕服憑玉几乃同召太保奭為伯彤伯畢公衛侯毛公師氏虎臣百尹御事

朱子語錄召公冢宰畢公司馬毛公司空是三公為伯司徒彤伯宗伯衛侯司寇是三孤孔氏以高官兼攝下司漢世以來謂之領故召畢毛皆稱公傳皆稱

領而芮彤衛則但稱本爵也

林氏之奇曰此謂紀述一時所命之人而周家命官之意見于此者有四以六卿兼主三公之事一也諸侯入為公卿二也公卿皆同姓之邦三也三公九卿各以其職任為尊卑不以爵秩高下四也潘氏邁曰叙畢公於二伯後叙毛公于衛侯後叙六卿不叙三公也

王曰嗚呼疾大漸惟幾病日增既彌留恐不獲誓言嗣茲予審訓命汝

鄒氏季友曰嗣謂嗣君周禮典命云諸侯之適子誓于天子攝其君注云誓猶命也明樹子不易也告命之辭致其戒勉故曰誓蔡傳不得誓言以嗣續我志從孔傳也未當

茲既受命還出綴衣於庭越翼日乙丑王崩

鄭氏季友曰茲既受命句還字句還音旋
孔傳羣臣既受命各還本位也屬下句非

蔡傳綴衣幄帳也羣臣既退徹出幄帳於庭

太保命仲桓南宮毛俾爰齊侯呂伋以二千戈虎賁百

人逆子釗于南門之外延入翼室恤宅宗

疏將正太子之尊故出于

路寢門外
使更逆之

蔡傳桓毛二臣名伋太公望子翼室路寢旁左右翼

室也逆子釗于路寢門外引入路寢翼室為居憂宗

主也

呂氏祖諫曰發命者冢宰傳命者兩朝臣承命者勲戚顯諸侯體統事嚴樞機周密防危慮患之意深矣入自端門萬姓咸覩與天下共之也延入翼室為憂居之宗示天下不可一日無統也唐穆敬文武以降閹寺執國命易主于宮掖而外庭猶不聞然後知周家之制曲盡備豫雖一條一節亦不可廢也

范氏祖禹曰成王崩太子必在側當是時本在內特出而迎之所以顯之于衆也

王氏樵曰初喪未為梁閭故以東夾室為恤宅之地

金氏履祥曰天子居喪之次曰梁閭比諸侯倚廬而加楣梁此初喪未為梁閭故以東夾室為宅宗之地此下文東夾室所以不陳設也

王氏安石曰王宮南鄉南門王宮之外門也

葉氏時曰虎賁之士非太宰之屬而太保得發之則太宰兼總兵衛亦明矣然呂伋雖掌兵非有宰臣之命則不得以擅發召公雖制命非有二卿將命亦不得以專行兵權散主不在一人可見周人制兵之深意

朱氏鶴齡曰周禮虎賁氏本下大夫齊侯領之蓋以宿衛王宮為重也後世功臣子弟為列侯入宿衛亦其意史記稱太公五世反葬于周是時伋必入為王官故虎賁百人屬其統屬

蕙田案此奉迎即位之禮也南門蔡氏謂為路寢門王氏謂王宮之外門考王五門自外

而入為臯庫雉應路是時康王固當侍疾但亦必別有異宮如入路門當由朝門入宮門蓋命其暫還本宮而後率虎賁迎之以備禮耳所由入者實不止一門故但稱南門又以見皆朝廷之正門平日不得行至此始行之以嗣正位也專主路寢門者似狹

丁卯命作冊度

疏周禮內史掌策命既作策書因作受冊法度下文升階即位及受同祭饗皆

是法度

蕙田案此即位之冊命也度即如後之儀注
蓋預擬之

越七日癸酉伯相命士須材

金氏履祥曰天子七日而殯癸酉殯之明日也既殯始傳顧命材物也朝廷所須器物如下文禮器几席車輅戈鉞之類是也自此以下皆癸酉之事舊說須材為供喪者與上下文不相入

蕙田案以下即位日陳設之禮也須材金氏
說是若供喪不應在既殯之後

狄設黼宸綴衣牖間南向敷重篋席黼純華玉仍几西

序東嚮敷重底席綴純文貝仍几東序西嚮敷重豐席

畫純雕玉仍几西夾南向敷重筍席玄紛純漆仍几越

玉五重

疏上云西序東嚮東序西嚮則序旁已有王之坐矣下句陳玉復云在東序西序者明于東西

序坐北也西序二重東序三重二序共為列玉五重

陳寶

疏陳先王所寶之器物

赤刀大訓

弘璧琬琰在西序大玉夷玉天球河圖在東序睂之舞

衣大貝鼗鼓在西房兌之戈和之弓垂之竹矢在東房

蕙田案此路寢堂上之陳設也

大輅在賓階面綴輅在阼階面先輅在左塾之前次輅

在右塾之前

蕙田案此路寢庭之陳設也

二人雀弁執惠立于畢門之內四人綦弁執戈上刃夾
兩階阼一人冕執劉立于東堂一人冕執鉞立于西堂
一人冕執殲立于東垂一人冕執瞿立于西垂一人冕

執銳立于側階

疏立畢門及夾兩階服弁者皆士也以去殲遠故使士為之立堂上堂外服冕

者皆大夫也以去殲近故使大夫為之先門次階次堂從外向內而序之也次東西垂次側階又從近向遠而序之也前陳坐位器物皆以西為上由王殲在西序故也此執兵宿衛之人則先東而後西者以新王在東故

也

陳氏經曰自設黼黻至此典章文物之備一以象前王平生所坐所寶所乘所衛以起嗣王之追慕而盡誠紹述也一以昭前王委重投艱之意使嗣王肅敬以祇承也一以起羣臣諸侯之尊敬想慕前王而繫心于嗣王也一以表人主之崇高富貴尊無二上而傳授之正如此以絕天下覬覦之萌也

蕙田案此路寢宿衛之執事也合前二條陳

設之儀法已備後世即位儀注多本此

王麻冕黼裳由賓階墮卿士邦君麻冕蟻裳入即位

疏

麻冕者蓋衮冕也鄭云衮之衣五章裳四章以黼有文故持言之禮君升阼階此用西階升者以未受顧命不

敢當主也公卿大夫及諸侯皆同服吉服如助祭各服其冕服也蟻蟲色元禮祭服皆元衣纁裳此獨云元裳者不可全與祭同改其裳以示變于常也

呂氏祖謙曰儀物既備然後延嗣王受顧命而踐位自此始稱王

太保太史太宗皆麻冕彤裳太保承介圭上宗奉同瑁由阼階濟太史秉書由賓階濟御王冊命曰皇后憑玉几道揚末命命汝嗣訓臨君周邦率循大卞變和天下用答揚文武之光訓

疏鎮圭圭之大者天子之所守故奉之以奠康王所位以明正位為

天子也

林氏之奇曰介圭以為天子之守而冒圭以合諸侯之信故當康王之受顧命皆奉而陳之

夏氏俱曰圭瑁先王所執今將授嗣王若先王予之故自陟階而升太史執書將進之嗣王故與王接武升同

蔡傳成王顧命之言書之冊矣此太史口陳者也

蕙田案此即位授瑁授冊之禮

王再拜興答曰眇眇予末小子其能而亂四方以敬忌

天威乃受同瑁王三宿三祭三咤上宗曰饗

疏天子執瑁故受瑁

為主同是酒器故受同以祭三祭各用一同非一同而
三反也釋詁云肅進也宿即肅也三宿為三進爵從立
處而三進至神所也三祭三酌酒于神坐也每一酌酒
則一奠爵三奠爵于地也經典無此咤字以既祭必當
奠爵既言三祭知三咤之為奠爵也王肅亦以咤為奠
爵禮於祭末必飲神之酒受神之福此非大祭故上宗
以同酌酒進王讚
王曰饗福酒也

陳氏櫟曰咤有兩說孔氏以為奠爵蘇氏以為至齒
不飲與齊同義考字書託與吒同祭奠酒爵也咤本
託字傳寫訛耳孔氏音釋云說文作
託由是觀之則咤訓奠爵不可易
鄒氏季友曰吉祭尸受酒灌于地此
非吉祭不迎尸故王代尸祭酒也

蕙田案此即位而告奠于殯宮也

太保受同降盥以異同東璋以酢授宗人同拜王答拜

疏太保更洗異同實酒乃秉璋以酢祭于上祭後復報祭猶如正祭之亞獻也

陳氏櫟曰王祭告成王言己已受顧命也太保授同而拜告成王言己已傳顧命也

陳氏師凱曰此王答召公拜也冢宰傳顧命以相授見大臣如見先王也王答召公拜敬大臣即以敬先王也

太保降收諸侯出廟門侯

呂氏祖謙曰太保降收者蓋百官總己以聽召公公退則有司收撤矣侯者侯見康王于門外也

鄭氏季友曰爾雅室有東西廂曰廟疏凡太室有東西廟夾室及前堂有序墻者曰廟不專以神居為廟

也上文東序西序即東西廂也惟路門內有之故獨稱路門為廟門禮記聘義云三讓而後傳命三讓而後入廟門所謂廟門但指路寢之門而言初非言神居亦非因有廟也周禮司儀載諸侯相見交幣之禮亦有及廟之文今人尚有廟堂廊廟之語孔氏謂殯之所處故曰廟蔡氏因之蓋泥于神居為廟也

蕙田案以上即位告殯宮之事已畢下遂臨治朝而見諸侯百辟卿士也

康王之誥王出在應門之內太保率西方諸侯入應門左畢公率東方諸侯入應門右皆布乘黃朱賓稱奉圭兼幣曰一二臣衛敢執壤奠皆再拜稽首王義嗣德答

拜

鄒氏季友曰應字平聲為正音去聲為借音故陸氏于此無音禮記疏云應當也謂南向當朝正門也治朝在路門外王日視治之朝

蕙田案應門之內蓋治朝也

王氏振綱曰黃朱是幣當依蔡傳後注古人以一為奇二為偶三為參四為乘布乘黃朱言所布黃朱之幣各四也故下言奉圭兼幣圭是王朝所頒信瑞也幣是諸侯所獻壞英也非陳四黃馬而朱其鬣也

蕙田案此即位受朝而諸侯執贄以見王也

古人贄見之禮莫重于玉幣故祀享神祇皆

獻玉幣臣之奉君猶王之奉天王氏之說不可易也若如疏說每一諸侯皆布四馬於朝非特與執贄不合且朝內何以容之人馬相雜豈復成體統乎

蔡傳再拜稽首以致敬義宜也義嗣德云者史氏之辭也康王宜嗣前人之德故答拜也答拜正其為後且知其以喪見也

蕙田案此即位正其為天子而兼為後之禮

故答拜

太保暨芮伯咸進相揖皆再拜稽首曰敢敬告天子皇
天改大邦殷之命惟周文武誕受美若克恤西土惟新
陟王畢協賞罰戡定厥功用敷遺後人休今王敬之哉
張皇六師無壞我高祖寡命

古今考古之揖天子以待臣下以手著
胸曰揖蓋雙拱手向胸也下手曰拜

呂氏祖謙曰二伯率諸侯列門左右朝會分班儀也
太保芮伯咸進相揖朝會合班儀也始而分班則諸
侯兩列西伯與東伯之位相對今而合
班則六卿前列冢宰與司徒之位相次

蕙田案此即位之後既朝而更奏告也

王若曰庶邦侯甸男衛惟予一人釗報誥昔君文武丕平富不務咎底至齊信用昭明于天下則亦有熊羆之士不二心之臣保乂王家用端命于上帝皇天用訓厥道付畀四方乃命建侯樹屏在我後之人今予一二伯父尚胥暨顧綏爾先公之臣服于先王雖爾身在外乃心罔不在王室用奉恤厥若無遺鞠予羞

蕙田案此初即位而報告諸侯也

羣公既皆聽命相揖趨出王釋冕反喪服

蘇氏軾曰成王崩未葬君臣皆冕服禮與曰非禮也謂之變禮可乎曰不可禮變于不得已嫂非溺終不援也三年之喪既成服釋之而即吉無時而可者曰成王顧命不可以不傳既傳不可以喪服受也曰何為其不可也孔子曰將冠于未及期日而有齊衰大功之喪則因喪服而冠冠吉禮也猶可以喪服行之受顧命見諸侯獨不可以喪服乎太保使太史奉冊授王于次諸侯入哭于路寢而見王于次王喪服受教戒諫哭踊答拜聖人復起不易斯言矣春秋傳曰鄭子皮如晉葬晉平公將以幣行子產曰喪安用幣子皮固請以行既葬諸侯之大夫欲因見新君叔向辭之曰大夫之事畢矣而又命孤孤斬焉在衰經之中其以嘉服見則喪禮未畢其以喪服見是重受弔也大夫將若之何皆無辭以退今康王既以嘉服見

諸侯而又受乘黃玉帛之幣使周公在必不為此然則孔子何取此書也曰至矣其父子君臣之間教戒深切著明足以為後世法孔子何為不取哉然其失禮則不可不辨

朱子語類潘時舉問康王釋喪服而被袞冕受虎賁之逆于南門之外且受黃朱圭幣之獻諸家皆以為禮之變獨蘇氏以為失禮使周公在必不為此未知當此際合如何區處曰天子諸侯之禮與士庶人不同故孟子有吾未之學之語蓋謂此類耳如伊訓元祀十有二月朔亦是新喪伊尹已奉嗣王祇見厥祖

固不可用凶服矣漢唐新主即位皆行冊禮君臣亦皆吉服追述先帝之命以告嗣王韓文外集順宗實錄中有此事可考蓋易世傳授國之大事當嚴其禮而王侯以國為家雖先君之喪猶以為己私服也五代以來此禮不講則始終之際殊草草矣

葉氏夢得曰康王此舉必有大不得已而然者蓋成王初即位猶有三監殷民之變微周公天下未可知況不及成王周公者乎故召公權一時之宜而遽正

君臣之分若曰三年之喪天下之通喪也亦天下之大義也通喪天下之所同大義天子諸侯之所獨故不以通喪廢大義而吉凶又不可相亂則以冕服朝諸侯以為常禮則不可以為非禮亦不可傳及後世卒不能奪康王之所為然後知此書之錄於經非孔子不能權于道以盡萬世之變也

呂氏祖謙曰顧命成王所以正其終康王之誥康王所以正其始也舜除堯之喪格廟而咨四岳成王除

武王之喪朝廟而訪羣臣皆百王之正禮然成湯方沒伊尹遽偕羣后侯甸陳訓太甲焉禮固有時而變矣說者不疑太甲受伊尹之訓于居憂之時乃疑康王受畢召之戒于宅恤之日甚者以晉辭諸侯為證然則隆周之元老反不若衰晉之陪臣耶

朱氏鶴齡曰以上諸說當與蘇說並存胡康侯傳春秋乃云是時成王方崩就殯猶未成服故用麻冕黼裳乃受顧命誥諸侯然後成服宅憂愚謂經文明言

王反喪服則先時已成服矣禮天子七日而殯自乙丑至癸酉凡九日無不殯者殯後無不成服之禮章俊卿又言古天子諸侯既殯即嗣位改元康王所行正人君即位之常禮春秋時之踰年即位及嗣君稱子乃夫子書之以著其變周制而啟亂源此說吾尤不敢信

蕙田案此條尤即位禮之有關係者惟朱子為能得古聖人經權之義葉氏呂氏說足相

發明禮云喪三年不祭惟祭天地社稷祭祀
尚易吉服何況即位以臨天下耶

又案即位之禮惟此二篇最為詳備由是而
上推之文武可知也由是而更推之夏商可
知也周監二代此禮必傳之典冊而非倉卒
舉行者後世之禮皆權輿于此矣夫子曰所
損益可知也雖百世可知也豈非考禮之大
法哉故備著之以為成憲之準

紀元表癸亥康王元年

十七年魯考公元
魯陽公熙元
在位二十一年

子昭王

己丑昭王元年

十五年魯魏公潰元
在位五十年
子穆王滿立

庚辰穆王元年

十四年魯厲公擢元
五十年魯獻公具元
在位五十年
趙造父

十五年子共

乙亥共王元年

在位十二年
子懿王囂立

丁亥懿

王元年

在位二十五年
共王之弟孝王辟方立

壬子孝王元年

十三年
甲子封

非子為附庸邑之秦

在位十年

丁卯夷王元年

八年
楚熊

梁元僭稱王
十六年子厲王胡立

癸未厲王元年

是年齊胡公元
二年楚熊摯

紅元
曹夷伯喜燕惠侯元

十三年衛頃侯元
十六年蔡武侯元
二十年齊

二十一年	晉靖侯宜臼宋僖公舉元
二十四年	魯直公濟元
二十五年	

元二十四年魯直公湣元二十五年

二十九年齊武公壽元三十

三十五年秦仲元三十九

四十二年楚熊嚴蔡夷侯元

四十八年陳釐公孝元 四十

在位五十一年三十七年己未國

三十八年召公周公行政號共和癸

甲戌宣三年 是年楚熊霜元二年

甲戌宣王元年燕僖侯莊元三年魯

四年齊厲公無忌元六年晉

公楚熊
狗元
十三年
魯懿
公

年衛武公和元十七年晉穆

年衛正公和元十七年魯伯御
 侯所事元二十二年

元	二十八年	末	元
元	二十八年	末	元

三十三年魯孝公再東武公元

三十三年魯孝公稱陳武公靈

曹惠伯元 三十四年齊莊公賁元 三十八年楚
若敖熊儀燕頃侯元 四十四年晉瑒叔元 在位四

十六年太 庚申幽王元年 二年晉文侯仇元 五年
子涅踐位 秦襄公陳平公變元 在

位十一年庚午申侯與犬 辛未平王元年 三年魯惠
戎入寇被弑太子宜臼立 公弗涅元

五年蔡哀侯元 六年秦文公宋武公司空元 七
年燕鄭侯元 八年楚熊坎元 十年蔡共侯興元

十二年蔡戴侯曹穆公武元 十四年楚熊珣衛莊公
揚元 十五年曹桓公終生元 十七年陳文公圉元

二十一年杞武公元 二十二年蔡宣侯考父元
二十四年宋宣公力元 二十六年晉昭侯伯元封叔

父成師于曲沃號桓叔 二十七年陳桓公鮑晉曲沃
桓叔元 二十八年鄭莊公寤生元 三十一年楚熊

通元 三十三年晉孝侯平元 三十七年衛桓公完
元 四十一年齊僖公祿甫曲沃莊伯元 四十三年

宋穆公和燕穆侯元四十八年晉鄂侯却元四十
九年魯隱公息姑元春秋之始在位五十一年太子

洩父早卒
孫林立

春秋隱公元年公羊傳元年者何君之始年也一注變

元元者氣也王者當
繼天奉元善成萬物

杜氏預曰凡人君即位欲其體
元居正故不言一年一月也

蕙田案書月正元日則日亦稱元也

呂氏大圭曰不書即位禮之不舉也新君踰年即位
由昨階三揖而後升謂之踐阼禮不舉故不書也桓
宣得國之初必有以正其朝廟臨羣臣之禮故書之
定元年春不書即位而于夏之六月書之蓋于是時

始得以正其朝廟
臨羣臣之禮耳

蕙田案新君踐阼朝廟而臨羣臣蓋即虞書

受終受命之禮是也

紀元表壬戌桓王元年

是年宋殤公與夷元
宣公晉元三年晉哀侯光元

桓

五年秦寧公晉曲沃武公滕宣公嬰齊元
侯封人元九年魯桓公軌元十年宋莊公馮燕

宣

侯元十六年晉侯潁元楚熊通僭稱王
十四年陳厲公躍元

杞

靖公元十九年曹莊公射姑元
元二十一年衛惠公朔陳莊公林元二十年鄭厲公

齊

襄公諸兒秦武公燕桓侯許穆公
新臣元在位二十三年于佗立

乙酉莊王元年

是年鄭昭公忽元二年衛黔年元三年蔡哀侯獻
舞鄭子疊元四年魯莊公同鄭子儀元五年陳宣

公杵臼元六年宋閔公捷元七年燕莊公元八
年楚文王熊貲元九年衛惠公朔後元十二年齊

桓公小白元在位 庚子釐王元年 是年宋桓公御
十五年于胡齊立 說元三年鄭

厲公突後元四年晉武公稱滅晉侯湣
以其寶賂王列為諸侯在位五年于閔立 乙巳惠王

元年 是年晉獻公詭諸楚熊羆元二年泰宣公元
三年蔡穆侯肸元五年鄭文公捷杞惠公元

六年楚成王熊惲元七年曹僖公夷元九年衛懿
公赤元十二年邾文公遽除元十四年泰成公元

十六年魯閔公啟方曹昭公班元十七年衛戴公申
元十八年魯僖公申泰穆公任好衛文公燬元二

十年燕襄公元二十二年許僖公業元二
十三年杞成公元在位二十五年于鄭立 庚午襄

王元年

二年晉惠公夷吾宋襄公茲父元
五年陳穆公欵元
七年蔡莊侯甲午元
十年齊孝公

昭元

十六年晉懷公圉宋成公王臣杞桓公姑容元
十七年晉文公重耳元
十八年衛成公鄭元

十年

齊昭公湣元
二十一年陳共公朔元
二十五年晉襄公驩鄭穆公蘭元
二十六年魯文公興元

二十七年

楚穆王商臣元
三十一年許昭公錫我元
三十二年晉靈公夷臯秦康公瑩元
三十三年宋

昭公

杵臼元
在位
癸卯頃王元年
二年曹文公壽
三十三年子壬臣立
燕桓公元
六

年楚莊王

旅陳靈公平國邦定
己酉匡王元年
是年
公纘且元
在位六年子班立
齊懿

公商人元

二年蔡文侯申元
三年宋文公鮑元
五年魯宣公倭齊惠公元秦共公稻元
在位六年弟瑜

立

乙卯定王元年

是年晉成公黑臀元
二年鄭靈公夷元
三年秦桓公榮元鄭襄

公堅元 六年燕宣公元 八年晉景公獮衛穆公邀
滕文公繡元 九年齊頃公無野陳成公午元 十三

年曹宣公廬元 十六年蔡景侯固許靈公寧元 十
七年魯成公黑肱楚共王審元 十九年宋共公固衛

定公臧元 二十一年鄭悼公費燕
昭公元元 在位二十一年子夷立 丙子簡王元年

是年吳壽夢元始僭稱王 二年鄭成公踰元 五年
齊靈公環元 六年晉厲公州蒲元 九年曹成公負

芻元 十年秦景公后衛獻公衍莒犁比公密州元
十一年宋平公成元 十三年燕武公邾宣公愷元

十四年魯襄公午晉悼公周 庚寅靈王元年 二年鄭
元 在位十四年子泄心立 傳公髡

頊元 四年陳哀公弱元 六年杞孝公勾元 七年
鄭簡公嘉元 十二年吳王諸樊元 十三年楚康王

昭元 十四年衛殤公元 十五年晉平公處元 十
七年邾悼公華元 十八年曹武公勝燕文公元 十

九年齊莊公光元

二十三年杞文公益姑元 二十一年庚戌冬十一月孔子生

二十五年齊景公杵臼吳王餘祭元 二十四年燕懿公元
獻公衍後許悼公買元 在位二十七年子賁立

丁巳景王元年

是年楚郊敖麇燕惠公款元 二年衛
襄公惡吳王夷昧元 三年蔡靈侯般

元

四年魯昭公稠元 五年楚靈王虔郭莊公穿元
七年滕悼公寧元 九年秦哀公元 十年蔡悼公

杞平公鬱元

十一年衛靈公元元 十四年晉昭公夷
宋元公佐元 十六年陳惠公吳蔡平侯廬鄭定公寧

元 十七年楚平王熊居燕共公元 十八年曹平公
須莒共公庚與元 十九年吳王僚元 二十年晉頃

公去疾元 二十二年燕平公曹悼公元 二十三年
許公斯元 二十四年蔡悼侯東國元 在位二十五

年子猛立是為悼
王悼王崩弟丐立

壬午敬王元年

二年蔡昭侯申莒
郊公元 三年杞

悼公成元	四年	宋景公樂元	五年	楚昭王軫元
六年	曹聲公野	吳王闔閭元	七年	鄭獻公蠆滕頃公
元	九年	晉定公午元	十年	薛襄公定元
魯定公宋曹隱公元	十六年	燕簡公元	十七年	許
元	公成元	十九年	陳閔公曹伯陽元	二十年
公鄭聲公元	二十三年	薛伯比元	二十四年	越王
句踐薛惠公夷元	二十五年	吳王夫差元	二十六	
年魯哀公蔣元	二十八年	衛出公輒燕獻公元	二十六	
十九年	秦悼公元	三十年	蔡成侯朔元	三十一年
齊安孺子荼元	三十二年	齊悼公陽生楚惠王章元		
革元	三十三年	宋景公滅曹元	三十四年	杞閔公維邾子
麟孔子作春秋	四十年	齊平公驚元	四十一年	衛
莊公蒯賁元	四十三年	衛君起元	四十四年	秦厲
共公元	衛出公輒後元			
在位四十四年	子仁立			
丙寅元	王元			
公錯元	二年	晉出		

三年越滅吳 四年邾隱公益後元年 五年蔡聲侯
產元 六年邾子何元 七年杞哀公闕路元 在位

七年子 癸酉貞定王元年 是年宋昭公得衛悼公黜
介立

五年燕孝公越王鹿郢元 七年鄭哀公易元 八年
杞出公數元 十一年越王不壽元 十三年晉哀公

驕蔡元 侯元 十四年齊宣公積元 十五年鄭共公
丑元 十九年衛散公蔡侯齊元 二十年燕成公載

元 二十一年越王翁元 二十二年楚惠王滅蔡
二十七年秦躁公元 在位二十八年子去疾立是為

哀王三月弟叔自立是為思王五 辛丑考王元年 三
月少弟嵬弒思王自立是為考王

晉出公柳元 八年燕閔公元 十年楚簡王仲元滅
莒衛昭公糾元 十一年魯元公嘉元 十三年秦懷

公元 在位十五年子午立西周君封 丙辰威烈王
小子班子鞏是為東周東西周分之始

元年

是年衛懷公疊元
四年鄭繻公駘元

二年秦靈公鄭幽公已元
五年晉烈公止元 十二年

秦簡公悼子衛慎公頽元 十五年越王翳元 十七
年魯穆公顯元 十九年楚聲王當元 二十二年齊

康公貸元 二十三年初命韓趙魏為諸侯 二
十四年燕僖公莊元 在位二十四年子驕立

集成曰史記六國表威烈王二年載魏文侯元年十

八年載韓景侯趙烈侯元年是時三晉雖專國政實

則大夫不可列于諸侯綱目于二十三年下始註韓

趙魏為諸侯今從綱目例書

庚辰安王元年

是年楚悼王類元 三年秦惠公韓烈
侯取趙武公元 七年宋休公田鄭康

公乞元八年晉孝公頤元十六年齊太公元田和
初受王命為諸侯泰出公韓文侯趙敬侯章魏武侯擊

元十八年田齊桓公午泰獻公師燿元二十二年
楚肅王臧元二十四年田齊威王因齊元二十五年

年晉靖侯俱酒元在
位二十六六年子喜立
丙午烈王元年是年越王之

侯滅鄭二年趙成侯種元四年宋辟公辟兵衛聲
公訓燕桓公元六年韓懿侯魏惠侯螢元七年宋

公剔成楚宣王良夫元
在位七年弟扁立
癸丑顯王元年八年衛成公渠

梁燕文公元十一年韓昭侯元十三年越王無疆
元十五年魯康公屯元十九年秦孝公徙都咸陽

二十二年趙肅侯語元二十三年衛公貶號曰侯
二十四年魯景公偃元三十年楚威王商元三十

二年秦惠文公駟元三十五年齊魏偕稱王魏惠王
螢後元年三十六年蘇秦合從三十七年衛平侯

田齊宣王辟疆韓宣惠侯燕易公元四十四年趙武靈王元四十四年宋元公偃楚懷王槐元四十四年趙武靈王元四十四年宋元

秦僭稱王四十五年衛嗣侯元秦惠文王駟後元年四十六年韓燕僭稱王不改元在位四十八年子

定辛丑慎靚王元年是年燕王噲元衛侯貶號曰君立二年張儀連衡三年魏襄

王嗣元宋僭稱王五年魯平王叔元在位七年子延立丁未赧王元年二年田齊

閔王地元四年韓襄王倉元燕昭王平元五年秦武王蕩元九年秦昭襄王稷元十七年趙惠文王

何楚頃襄王橫元十九年魯湣公賈元二十年韓僖王咎魏昭王遼元二十九年齊楚魏共滅宋三

十二年田齊襄王法章元三十三年衛懷君元三十七年燕惠王元三十九年魏安釐王圉元四十

二年魯頃公讎元四十四年韓桓惠王元四十四年燕武成王元五十年趙孝成王丹元五十四年

楚考烈王完元 五十八年燕孝王元 五十九年秦人入寇王入秦盡獻其地周民東亡就鞏東周君傑保

遭民奉周 宗廟社稷 丙午東周君元年 二年燕王喜元 五年

文王柱元 七年 東周君為秦所滅

右周

壬子 秦莊襄王楚元楚滅魯 乙卯 秦元 丁巳 趙悼

元 偃 己未 魏景閔 王增元 癸亥 韓王安元 甲子 楚幽王 辛未

秦滅 韓 壬申 衛君 角元 甲戌 魏王假代王嘉 丙子 秦滅

戊寅 秦滅 己卯 燕趙

庚辰秦始皇帝二十六年并天下稱皇帝

是年齊亡共在位三十七

年子胡亥立

壬辰二世皇帝元年

是年衛亡楚隱王陳勝趙王武臣魏王咎燕王

韓廣齊王田儋元自立為沛公

二年楚懷王韓王成趙王歇魏王豹元項梁起兵于吳漢高帝起兵于沛

高在位三年趙試帝立于嬰

乙未王子嬰元年

是年沛公入關至霸上王子嬰降西

楚霸王項羽漢王劉邦雍王章邯塞王司馬欣翟王董翳魏王豹河南王申陽殷王司馬卬代王趙歇常山王張耳九江王英布衡山王吳芮臨江王共敖膠東王田市齊王田都濟北王田安韓王鄭昌齊王田榮元

右秦

丙申

西楚霸王弑義帝于江中代王陳餘齊王田廣元

丁酉

齊王田橫元

漢書高祖本紀五年諸侯王及太尉長安侯臣綰等三

百人與博士稷嗣君叔孫通謹擇良日二月甲午上尊

號漢王即皇帝位于汜水之陽

括地志漢高祖即位壇在曹州濟陰縣界

位十二年
太子盈立

紀元表丁未惠帝元年

在位七年太子立是為少帝太后臨朝稱制

甲寅

高皇后
呂氏元

丁巳

太后廢少帝立恒山王義為帝更名宏太后仍臨朝稱制

壬戌

太后

崩高帝子
代王恒立

史記孝文本紀孝文皇帝高祖中子也高后八年諸呂

欲為亂大臣共誅之謀召立代王使人迎代王乘傳詣
長安至渭橋羣臣拜謁稱臣代王下車拜太尉勃跪上
天子璽符代王謝曰至代邸而議之丞相陳平太尉周
勃大將軍陳武御史大夫張蒼宗正劉郢朱虛侯劉章
東牟侯劉興居典客劉揭皆再拜言曰子弘等皆非孝
惠子不當奉宗廟臣謹請與陰安侯列侯頃王后與瑯
琊王宗室大臣列侯吏二千石議曰大王高帝長子宜
為高帝嗣願大王即天子位代王曰奉高帝宗廟重事

也寡人不佞不足以稱宗廟願請楚王計宜者寡人不
敢當羣臣皆伏固請代王西鄉讓者三南鄉讓者再丞
相平等皆曰臣伏計之大王奉高帝宗廟最宜稱雖天
下諸侯萬民以為宜臣等為宗廟社稷計不敢忽願大
王幸聽臣等臣謹奉天子璽符再拜上代王曰宗室將
相王列侯以為莫宜寡人寡人不敢辭遂即天子位羣
臣以禮次侍即日夕入未央宮下詔書赦天下賜民爵
一級女子百戶牛酒酺五日元年十月辛亥皇帝即阼

謁高廟

漢書文帝紀即皇帝位于代入未央宮還坐前殿十月

辛亥見于高廟

在位二十三年太子啟立

通鑑胡三省注如淳曰讓羣臣也或曰賓主位東西面君臣位南北面故西鄉坐三讓不受羣臣猶稱宜乃更南鄉坐示變即君位之漸也余謂如說以為代王南鄉坐為即君位之漸恐非代王所以再讓之意蓋王入代邸而漢庭羣臣繼至王以賓主禮接之故西鄉羣臣勸進王凡三讓羣臣遂扶王正南面之位王又讓者再則南鄉非王之得已也羣臣扶之使南鄉耳遽以為南鄉坐可乎

文獻通考馬氏曰古之受終革命者必告于天地祖宗堯舜之禪讓湯武之征伐未之有改也漢承秦後

典禮廢以古人所以郊祀天地者施之五時之淫祠而未嘗有事天地之禮高皇帝平秦滅項諸侯王推戴即皇帝位于汜水之陽亦不聞有燔燎告天之事于義闕矣至文帝以後則凡嗣君即位必謁見高廟亦受命祖宗之意

通鑑十六年秋九月新垣平言臣候日再中於是始更以十七年為元年

蕙田案此帝王有後元年之始後世改元皆本此

七年六月丁未太子即皇帝位

鄭氏樵曰漢大斂畢三公奏尚書顧命太子即日即天子位于柩前請太子即皇帝位皇后為皇太后奏可羣臣皆出吉服入會如儀太尉升自阼階當柩御坐北面稽首讀冊畢以傳國玉璽綬東面跪授皇太子即皇帝位告令羣臣羣臣皆伏稱萬歲或大赦天下羣臣百僚罷入成喪服如禮

蕙田案此禮即倣尚書顧命康王之誥二篇為之後世即位禮史雖不詳大畧同此

紀年表乙酉景帝元年 壬辰中元年 戊戌後元年

在位十六年
太子徽立

史記孝武本紀有司言元宜以天瑞命不宜以一二數
一元曰建元二元以長星曰元光三元以郊得一角獸
曰元狩 有司言寶鼎出為元鼎以今年為元封元年
改歷以正月為歲首因為太初元年

胡氏三省曰自古帝王未有年號始起于此貢父曰
封禪書云其後三年有司言元宜以天瑞命不宜以

一二數推所謂其後三年者蓋盡元狩六年至元鼎三年也然元鼎四年方得寶鼎又無緣先三年稱之以此而言自元鼎以前之年皆有司所追命其實年號之起在元鼎故元封改元則始有詔書也

蕙田案胡氏說是

紀元表辛丑武帝建元元年

六

丁未元光元年

六

癸丑

元朔元年

六

己未元狩元年

六

乙丑元鼎元年

六

辛未

元封元年

六

丁丑太初元年

四

辛巳天漢元年

四

乙酉

太始元年

四

己丑征和元年

四

癸巳後元元年

二

在位五十

四年改元十一太子弗陵立

乙未昭帝始元元年

六

辛丑元鳳元年

年六丁未元平元年

一

在位十三年改元三武帝曾孫病已立更諱詢

漢書宣帝本紀元平元年昭帝母嗣大將軍霍光奏議

曰禮人道親親故尊祖尊祖故敬宗大宗無嗣擇支子

孫賢者為嗣孝武皇帝曾孫病已可以嗣孝昭皇帝後

奏可遣宗正德至曾孫尚冠里舍洗沐賜御府衣太僕

以軫獵卓奉迎曾孫就齊宗正府庚申入見未央宮見

皇太后封為陽武侯已而羣臣奏上璽綬即皇帝位謁

高廟

紀元表戊申宣帝本始元年四壬子地節元年四丙辰

元康元年四庚申神爵元年四甲子五鳳元年四戊辰

甘露元年四壬申黃龍元年一在位二十五年改元七太子薨立癸

酉元帝初元元年五戊寅永光元年五癸未建昭元年

五戊子竟寧元年一在位十六年改元四太子驚立己丑成帝建始

元年四癸巳河平元年四丁酉陽朔元年四辛丑鴻嘉

元年^四 乙巳永始元年^四 己酉元延元年^四 癸丑綏和

元年^二 在位十六年改元 乙卯哀帝建平元年^四

己未元壽元年^二 在位六年改元 辛酉平帝元始

元年^五 封王莽為安漢公秉政在位五年改元一宣

丙寅孺子嬰元年^{王莽僭稱假皇帝安衆侯劉崇起}

兵 戊辰初始元年^{王莽廢孺子嬰為定安公} 己巳

新莽始建國元年^{甲戌} 新莽天鳳元年^{四年臨淮瓜}

徐鄉侯劉快起兵^{田儀瑯琊呂母新市王匡王鳳}

起兵^{南郡馬武王常成丹南郡張霸江夏羊牧俱} 庚辰^{王莽}

元年二年南郡秦豐平原女子遲昭平起兵三年
景帝六世孫齊武王續及弟光武帝秀起兵春陵興復
漢室平林陳
癸未漢兵誅新莽淮陽王劉聖公稱帝號
牧廖湛起兵
更始元年殺齊武王續以光武為破
虜大將軍行大司馬事梁王劉永起兵睢陽稱元年王
郎偕稱漢帝元年隗囂起兵成紀彭寵起兵漁陽公孫
述起兵
甲申立光武為蕭王公孫述偕稱
成都蜀王元年張步起兵瑯琊

右漢

後漢書世祖本紀建武元年命有司設壇場于鄆之南

千秋亭五成陌

注壇謂築土場謂除地秦法十里一亭南北為阡東西為陌其地在今趙州栢

鄉縣六月己未即皇帝位燔燎告天禋于六宗

續漢志平帝元始中

謂六宗為易卦六子水火雷風山澤也光武中興未改

望于羣神其祝文曰皇天

上帝后土神祇眷顧降命屬秀黎元為人父母秀不敢
當羣下百辟不謀同辭咸曰王莽篡位秀發憤興兵破
王尋王邑于昆陽誅王郎銅馬于河北平定天下海內
蒙恩上當天地之心下為元元所歸識記曰劉秀發兵
捕不道卯金修德為天子秀猶固辭至于再至于三羣
下僉曰皇天大命不可稽留敢不敬承于是建元為建
武大赦天下

祭祀志建武元年光武即位于鄩為壇營於鄩之陽祭告天地采用元始中郊祭故事六宗羣神皆從未以祖配天地共犢餘牲尚約

蕙田案即位燔燎告天禋六宗望羣神三代後始見于此蓋是時經術大明修復唐虞之迹也

紀元表乙酉後漢光武帝建武元年

三十一正月方望以前定

安公嬰稱帝于臨涇更始遣兵擊斬之九月赤眉入長安更始奔高陵卒未詔封更始為淮陽王冬十月淮陽

王降于赤眉十二月赤眉殺淮陽王梁劉永僭稱帝元
年成公孫述龍興元年僭稱帝赤眉以劉盆子僭稱帝

號建世元年盧芳僭稱漢帝元年河西實融起兵三
年赤眉平梁劉永于紆僭稱王元年燕彭寵僭稱王元

年淮西董憲僭稱王元年齊張步僭稱王元年淮南李
憲僭稱帝元帝五年彭寵奴殺寵以降禽梁王紆實

融降張步平九年隴西隗囂于純元年十年隴西
隗純降十二年成公孫述死成都平十三年盧芳

亡八匈奴十六年盧芳降丙辰中元元年二十三年
十七年盧芳復奔匈奴

改元二太戊午明帝永平元年十八年在位十八年
子莊立

丙子章帝建初元年八甲申元和元年三丁亥章和

元年二在位十四年己丑和帝永元元年十六乙巳
改元三太子肇立

元興元年

一 在位十七年
改元二太子隆立

丙午殤帝延平元年

八月

崩清河孝
王子祐立

後漢書安帝本紀延平元年鄧太后特詔留帝清河邸
八月太后與兄車騎將軍鄧騭定策禁中其夜使騭持
節以王青蓋車迎帝齋于殿中皇太后御崇德殿百官
皆吉服羣臣陪位引拜帝為長安侯太后詔以祐為孝
和皇帝嗣奉承祖宗案禮儀奏又作策命讀策畢太尉
奉上璽綬即皇帝位太后猶臨朝九月庚子謁高廟辛

丑謁光武廟

紀元表丁未安帝永初元年七甲寅元初元年六庚申

永寧元年一辛酉建光元年一壬戌延光元年四年四三月

崩在位十九年改元五閭皇后臨朝立濟北惠王子北鄉侯懿為嗣十月北鄉侯薨十一月中黃門孫程等迎

立安帝于濟陰王保入即帝位

後漢書順帝本紀帝諱保安帝之子也母李氏為閭皇后所害永寧元年立為皇太子延光三年安帝乳母王聖大長秋江京中常侍樊豐譖太子乳母殺之太子數

為歎息王聖等懼禍構陷太子廢為濟陰王明年三月
安帝崩北鄉侯立薨車騎將軍閭顯及江京與中常侍
劉安陳達等白太后秘不發喪而更徵立諸國王子乃
閉宮門屯兵自守十一月中黃門孫程等斬江京劉安
陳達等迎濟陰王于德陽殿西鍾下即皇帝位年十一
近臣尚書以下從輦到南宮登雲臺召百官尚書令劉
光等奏言陛下正統當奉宗廟而姦臣交構遂令陛下
龍潛藩國天命有常北鄉不永漢德盛明福祚孔章近

臣建策左右扶翼內外同心稽合神明陛下踐阼奉遵
洪業為郊廟主而即位倉卒典章多缺請條案禮儀分
別具奏制曰可乃召公卿百僚使虎賁羽林士屯南北
宮諸門閭顯兄弟率兵入郭鎮斬顯弟衛尉景戊午遣
使者入省奪得璽綬乃幸嘉德殿收閭顯等己未開門
罷屯兵壬申謁高廟癸酉謁光武廟

蕙田案順帝被讒見廢即位自屬變禮據史
即位倉卒典章多闕則其餘諸帝典章無闕

可知也後漢即位禮其詳不可得聞

紀元表丙寅順帝永建元年六壬申陽嘉元年四丙子

永和元年六壬午漢安元年二甲申建康元年一在

年改元五
太子炳立
乙酉冲帝永嘉元年正月崩渤海丙戌
孝王子續立

質帝本初元年閏六月梁冀弑帝

後漢書桓帝本紀帝諱志肅宗曾孫襲爵為侯本初元

年梁太后徵帝到夏門亭將妻以女弟會質帝崩遂與

兄冀定策禁中閏月庚寅使冀持節以王青蓋車迎帝

入南宮其日即皇帝位秋七月乙卯葬質帝辛巳謁高廟光武廟

蕙田案桓帝閏六月庚寅即位七月乙卯葬質帝辛巳謁廟凡五十二日是後漢制以二十七日除服後既葬而謁廟也

紀元表丁亥桓帝建和元年^二庚寅和平元年^一辛卯

元嘉元年^二癸巳永興元年^二乙未永壽元年^三戊戌

延熙元年^九^{二年}丁未永康元年^一^一^{在位二十一}^{梁冀伏誅}年改元^七解賣亭

侯萇子
宏立

後漢書靈帝本紀帝諱宏襲侯爵桓帝崩無子皇太后
與父城門校尉竇武定策使劉儵持節左右羽林至河
間奉迎建寧元年春正月帝到夏門亭使竇武持節以
王青蓋車迎入殿中庚子即皇帝位二月辛酉葬桓帝
庚午謁高廟辛未謁世祖廟

惠田案靈帝即位而葬桓帝後謁廟與桓帝

同

紀元表戊申靈帝建寧元年四壬子熹平元年六戊午

光和元年六甲子中平元年二黃巾賊張角等始作亂六

年帝崩在位二十一年改元四皇子辨立是為少帝

何太后臨朝改元光熹八月又改元昭寧九月董卓廢

帝為弘農王弟協立是為獻帝改元永漢十二月詔

除光熹昭寧永漢三號復還中平六年曹操起兵

庚午獻帝初平元年是年關東州郡起兵討董卓推袁

孫堅起兵討卓二年孫堅甲戌興平元年是年孫策

卒于策嗣三年董卓伏誅丙子建安元年是年曹操遷帝于許二年袁術稱帝

討曹操五年孫策卒弟權立七年袁紹卒九年

曹操滅袁氏十八年封曹操為魏公十九年昭烈

取成都 二十一年進封曹操為魏
王 二十三年昭烈帝稱漢中王 庚子延康元年一

是年春正月魏王曹操薨太子丕立冬十月獻帝禪位於魏魏封帝為山陽公在位三十二年改元四魏文帝黃初元年代神元帝拓跋力微元年是為北魏始祖

右後漢

三國志蜀先主傳章武元年即皇帝位于成都武擔之南為文曰惟建安二十六年四月丙午皇帝備敢用元
牡昭告皇天上帝后土神祇漢有天下歷數無疆曩者
王莽篡盜光武皇帝震怒致誅社稷復存今曹操阻兵

安忍戮弑主后滔天泯夏罔顧天顯操子不載其凶逆
竊居神器羣臣將士以為社稷廢備宜修之嗣武二
祖龔行天罰備雖否德懼忝帝位詢于庶民外及蠻夷
君長僉曰天命不可以不答祖業不可以久替四海不
可以無主率土式望在備一人備畏天明命又懼漢邦
將湮于地謹擇元日與百寮登壇受皇帝璽綬修燔瘞
告類于天神惟神饗祚于漢家永綏四海

惠田案陳壽作三國志魏主稱紀而蜀主稱

傳蓋典午得統于魏當時不得不以魏為正
統而後之論者往往譏之今觀先主傳中詳
載告天之文而魏吳即位俱從其闕蓋隱然
以正統與之亦可以稍諒其心矣

觀承案陳史紀魏傳蜀似乎以魏為統也然
不直云魏書而曰三國志則魏一國耳何統
之有先主告天文出自丹誠上規誥誓足垂
不朽備載之直筆也乃隱含帝蜀彷彿春秋

之旨意深哉稱為良史才信矣

紀元表辛丑漢昭烈帝即皇帝位建元為章武元年

是年

封孫權為吳王吳黃武元年即帝位三年崩改元一太子禪立

三國志蜀後主傳章武三年夏四月先主殂于永安宮
五月後主襲位于成都大赦改元

蕙田案繼嗣之君以即位之明年改元此古今通禮也後主以章武三年即位即改其年五月以後為建興元年先儒所謂崩年改元

亂世之事蓋始于此

觀承案崩年改元實乖舊典遂貽後世口實
然先主既東挫於吳又即崩於永安岌岌殆
哉則建號改元有萬不得已者故曰東漢人
才可與立三國人才可與權

紀元表癸卯漢後主建興元年

四年魏文帝崩太子叡立是為明帝五年魏

明帝太和元年

七年吳黃龍元年

吳王稱帝十五年魏景初元年

吳戊

午漢延熙元年

二十一年吳赤烏元年
二年魏明帝崩太子芳立三年魏齊王芳正始元年

十二月魏嘉平元
十四年吳太元
十五年二
月吳改元神鳳四月孫權薨于亮立改為建興十七
年魏司馬師廢其主芳為齊王迎立高貴鄉公髦改元
為正元吳五鳳元十九年魏甘露元吳太平元

戊寅漢景耀元年

五年是年魏封司馬昭為晉公吳孫
紉廢其主亮立琅邪王休改元永安

立常道鄉公奐改為景元
癸未漢炎興元年
十月為

一年改元四十
在位四十

右蜀漢

甲申魏咸熙元年

進封司馬昭為晉王
二年十二月
禪位于晉王太子司馬炎晉封為陳

王留

晉書武帝本紀泰始元年冬十二月景寅設壇于南郊
百僚在位及匈奴南單于四裔會者數萬人柴燎告類
于上帝曰皇帝臣炎敢用玄牡明告于皇皇后帝魏帝
稽協皇運紹天明命以命炎昔者唐堯熙隆大道禪位
虞舜舜又以禪禹邁德垂訓多歷年載暨漢德既衰太
祖武皇帝撥亂濟時扶翼劉氏又用受命于漢粵在魏
室仍世多故幾于顛墜實賴有晉匡拯之德用獲保厥
肆祀弘濟於艱難此則晉之有大造於魏也誕惟四方

罔不祇順廓清梁岷包懷揚越八紘同軌祥瑞屢臻天
人協應無思不服肆予憲章三后用集大命于茲炎維
德不嗣辭不獲命於是羣公卿士百辟庶僚黎獻陪隸
暨于百蠻君長僉曰皇天鑒下求人之瘼既有成命固
非克讓所得距違天序不可以無統人神不可以曠主
炎虔奉皇運寅畏天威敬簡元辰升壇受禪告類上帝
永答衆望禮畢即洛陽宮幸太極前殿

紀元表 乙酉晉武帝泰始元年

十是年吳甘露元

二年吳寶鼎元 五年

吳建衡元乙未咸寧元年五年是年吳天冊元三年

吳天紀元五年以庚子太康元年十是年吳主孫皓降吳亡

晉書孝惠帝紀太熙元年四月己酉武帝崩是日皇太

子即皇帝位大赦改元為永熙永平元年春正月乙

酉朔臨朝不設樂詔曰朕夙遭不造淹恤在疚賴祖宗

遺靈宰輔忠賢得以眇身托于羣后之上昧于大道不

明於訓戰戰兢兢夕惕若厲乃者哀迷之際三事股肱

惟社稷之重率遵翼室之典猶欲長奉先皇之制是以

有永熙之號然日月踰邁已涉新年開元易紀禮之舊章其改永熙二年為永平元年

蕙田案晉惠帝亦以武帝崩年改元旋以非禮至明年又改元故有此詔

又案紀元表書庚戌惠帝永熙元年不書武帝太熙之號非也當云庚戌太熙元年四月帝崩太子即位改元為永熙元年

紀元表庚戌惠帝永熙元年

一是年四月武帝崩在位二十六年改元三太子

哀立六月改元為永熙元年

辛亥惠帝永平元年三月改元為元

康元年

九

庚申永康元年

一

辛酉永寧元年

一

正月趙王倫篡

位改為建始元年四月帝復位前涼張軌初為涼州刺史後蜀李特據蜀

壬戌太安元年二

二年後蜀李特建初元特死弟流自稱益州牧張昌據江夏反稱神鳳元

甲子春正月改元

永安秋七月改元建武十一月復改元為永安十二月

改為永興元年

二

號漢後蜀李特子雄建興元僭稱成都

王丙寅光熙元年

一

國號成

是年後蜀李雄太武元僭稱帝在位十七年太弟熾立

丁卯懷帝永嘉元年

六

自稱鮮卑大單于二年代穆

帝拓跋猗盧元前趙劉淵永鳳元僭稱帝三年前趙
劉淵河瑞元四年封拓跋猗盧為代公前趙劉淵卒

長于和立一月和弟聰弒和自立改為光興元年前涼
張軌都督隴右在位六年改元一武帝孫秦王業立

癸酉愍帝建興元年四二年前涼張軌為涼州牧
卒子實立三年封拓跋猗盧

為代王前趙劉聰建元四四年劉曜陷長安愍帝蒙
塵宣帝曾孫琅邪王睿承制江東是為元帝前趙劉聰

麟嘉元
丁丑晉元帝建武元年四月即晉王位

晉書禮志元帝為琅邪王將即極位告廟王導書問

賀循云或謂宜祭壇拜受天命者或謂直當稱億兆

羣情告四祖之廟而行者若爾當立行廟主今固辭

尊號俯順羣情還依魏晉故事然魏晉皆稟命而行
不知今進璽當云何循答曰愚謂告四祖之廟而行
蜀書劉先主初封漢王時羣臣共奏上勲德承以即
位今雖事不正同然議可方論導又書曰得刁僕射
書曰如此京兆是宣帝祖章郡是父也至惠帝為七
廟至懷德京兆府君應落想足下亦是識刁侯不欲
告惠懷二帝不知於禮云何循答曰古禮及漢氏之
初皆帝帝異廟即位大事謁于太祖故晉文朝于武

宮漢文謁于高廟也至光武之後惟有祖宗兩廟而已祖宗兩廟昭穆皆共堂別室魏晉依之亦惟立一廟則一廟之中苟在未毀恐有事之日不得偏有不告然人不詳太廟定議不敢必據欲依古禮惟告宣帝一廟人意以祖宗非一旦太廟合共事與古異不得以古禮為斷

蕙田案宗廟同堂異室徧告為是

紀元表戊寅晉元帝太興元年三月即皇帝位

四年前趙是

劉聰子粲立改元漢昌一月為靳準所弑淵族于曜立
改元為光初二年前趙劉曜始改國號曰趙後趙石

勒僭稱趙王元年三年前涼張實弟茂立
仍稱建興八年四年代惠帝拓跋賀犍元壬午永昌

元年改元在位六年
癸未明帝太寧元年前三是年
前涼張茂

仍稱建興十一年在位
丙戌成帝咸和元年九年
三年改元一太子衍立

後趙石勒太初元四年代烈帝拓跋翳槐元後趙滅
前趙五年後趙石勒建平元年僭稱帝八年前燕

慕容廆于皝立九年後趙石勒于宏延熙元僭稱帝
後蜀李特孫班立五月雄子越弒之立雄第四子期僭

稱乙未咸康元年八是年代煬帝紇那後元年後趙
帝石勒從子虎建武元僭稱天王後蜀

李期五恒元三年代烈帝翳槐後元年前燕慕容皝
僭稱王四年代高祖拓跋什翼犍建國元後蜀李特

姪壽漢興元改國號漢

在位

癸卯康帝建元元年

十七年改元二弟琅邪王岳立

二 是年前凉張駿仍稱建興三十

年在位二年改元一太子暉立

晉書禮志康帝立準禮將改元尚書下侍御史太常王
者殿中屬應告廟其勅禮官并太史擇吉日撰祝文及
諸應所用備辦符到奉行博士徐禪議曰案魯文公之
書即位也僖公未葬蓋改元之道宜其親告不以喪闕
昔代祖受終亦在諒闇既正其位於天郊必告成命于
父祖事莫大于正位禮莫盛于改元傳曰元始也首也

善之長也故君道重焉謂應告尚書奏案惠帝起居注
改永熙二年為永平元年使持節太尉石鑒造于太廟
前朝明準不應革易如禪議

蕙田案徐禪議是

紀元表乙巳穆帝永和元年

十二 是年前涼張駿仍
稱建興三十三年二年

後蜀李勢嘉寧元年前涼張駿于重華立三年後蜀降
前涼張重華仍稱建興三十五年四年前燕慕容皝

子雋立五年後趙石虎大寧元正月僭稱帝夏四月
虎卒幼子世立一月底長子遵弒世自立十一月丹閔

弒遵立虎子鑒改元為青龍前燕慕容皝元六年後
趙石虎族子祗僭稱帝于襄國改元永寧冉閔永興元

僭稱帝國號魏前秦符洪僭稱三秦王 七年後趙石祗為其將劉顯所弑後趙亡前秦符洪子健皇始元僭

稱天王國號秦 八年前燕慕容雋元璽元僭稱帝滅閼前秦符健僭稱帝 九年前涼張重華子曜靈立二

月國人廢之立駿子祚 十年前涼張祚和平元僭稱王尋為國人所殺重華子元靚立 十一年前秦符健

子生壽光元僭稱帝前涼張 丁巳升平元年 五 是年元靚復稱建興四十四年 前燕慕容

雋光壽元前秦符洪季子堅永興元 三年前秦符堅甘露元 四年前燕慕容雋子暉建熙元 在位十七

年改元二成帝長 壬戌哀帝隆和元年 一 癸亥興寧子瑯琊王丕立

元年 三 是年前涼張元靚子天錫立 在 丙寅廢位三年改元二弟東海王奕立後廢

帝太和元年 六 辛未十一月帝廢元帝子會稽王昱立

是為簡文帝改元為咸安元年

二年簡文帝崩太子曜立

癸酉孝

武帝寧康元年三丙子太元元年

二十一年張天錫降于前凉

九年後秦姚萇白爵元偕稱王後燕慕容垂燕元元偕稱王西燕慕容泓興元偕稱王十年前秦苻堅子

丕太安元偕稱帝右丞相竇衡叛自稱秦王改元元光西秦乞伏國仁建義元秦封為苑川王是為西秦西燕

慕容暉弟冲更始元十一年北魏道武帝拓跋珪登國元年即代王位改國號魏前秦苻堅族孫登太初元

後秦姚萇建初元偕稱帝後燕慕容垂建興元偕稱帝西燕慕容冲為其將韓延所殺延立冲將段隨為燕王

改元昌平伏誅立慕容觀為燕王改元建明慕容韜殺顓立冲子瑤為帝改元建平慕容永殺瑤立泓子忠為

帝改元建武立三月武衛將軍刁雲等殺之推永為主改元中興自二月至六月凡五改元後凉吕光大安元

僭稱酒泉公 十三年後凉呂光麟嘉元僭稱三河王
十九年前秦苻堅子崇延初元國亡後秦姚萇長子

興皇初元僭稱帝西燕滅于後燕 二十一年北魏皇
始元始建天子旌旗後燕慕容垂子寶永康元後凉呂

光龍飛元僭稱天王國號凉 丁酉安帝隆安元年 五
在位二十四年太子德宗立

是年後燕慕容寶永康二年慕容皝曾孫詳自立改元
建始垂少子麟殺之自立尋又立皝少子德是為南燕

寶奔尚書蘭汗汗弑寶自立改元青龍南凉秃髮烏孤
太初元僭稱西平王北凉段業神璽元僭稱建康公

二年北魏天興元年南燕慕容德元僭稱燕王後燕慕容
容寶子盛建平元纂三年後秦姚興弘始元後凉呂光

嫡子紹立五日紹庶兄纂弑紹自立改元咸寧北凉段
業天璽元僭稱凉王後燕慕容盛長樂元 四年南凉

秃髮烏孤弟利鹿孤建和元僭稱凉王西凉李暠庚子
元僭稱凉公南燕慕容德建平元僭稱帝 五年後凉

呂光弟隆神鼎元後燕慕容垂子熙光始元
北涼沮渠蒙遜永安元殺段業僭稱張掖公
壬寅元興

元年

元三舉兵反稱大享元髮烏孤第三弟儁檀弘昌元桓

建始又改為永始三年北魏天賜元帝乙巳義熙元
復位南京充髮儁檀畏秦強去弘昌年號

年

建初元是年南燕慕容德兄子超太上元西涼李暠

明元四年南涼秃髮儁檀復改為嘉平元北魏道武太子
元帝永興元西秦乞伏乾歸更始元北燕馮跋太平


元僭稱天王八年西秦乞伏乾歸子熾磐永康元北
涼沮渠蒙遜元始元僭稱河西王九年夏赫連勃勃

鳳翔元十年北魏神瑞元十二年北魏泰常元後
秦姚興長子泓永和元十三年西涼李暠子歆義興

元在位十四年
弟耶耶王德文立
己未恭帝元熙元
年二赫連勃勃真

興元二年
禪位于宋

右晉



五禮通考卷一百二十八